

abtheilte/ Er ist gestorben An. 1528. den 6. May. Ihm zu ehren/ sein nach
folgende Reimen gemacht.

Schaw an/ so du erkennen wilst/
Diß hie gecontrafeytes Bilde/
Ist Albrecht Durer der berühmt/
Mahler zu Nurenberg hoch geblumbt/
Des Handt übertroufen weit/
Alle andere Meister zu seiner zeit/
Auch nit allein in dieser Kunst/
Sonder auch in gleichen Künsten sonst/
Desß ward er bey Fürsten vnd Herrn/
Ehrlich gehalten nach vnd fern/
Auch bey allen künstlichen werckleuthen/
Die noch seine Kunst loben vnd deuten/
Vnd der gebrauchen als ein grundt/
Wie seine werck geben vrkundt/
Die man noch hat in grosser acht/
Auch hat er von der Kunst gemacht/
Etliche Bücher in seinem leben/
Die seiner Kunst groß zengnuß geben/
Dadurch einen Namen ihm erworben/
Dieser Kunstreicher Mann ist gestorben/
Gleich sechs vnd fünfzig Jahren alt/
Nach Christi Geburt wie das man zalt/
Zausent fünfhundert zweyzig acht/
Den sechsten May solchs woll betracht.

Damit er aber gleichsam unsichtlich bliebe/ vnd den nachkommen seine
Kunst recht fürsielte / hat er vier Bücher von Geometrischer vnderrichtung
geschrieben/ welche den Mahlern/ Steinmetzern/ Bildtschnizern/ Goldts-
schmidem vnd andern/ so mit der gleichen subteilen Künsten vmb gehen/ sehr
nützlich vnd nohtwendig: Demnach auch vier von der Symmetri vñ Pro-
portion des Menschlichen Corpers/ wie gleichfalls eins/ wie man Flecken/
Schlößer vnd Stätt/ bauen vnd besetzen soll.

Diesweil nun solche seine opera vñ Bücher/ jederzeit in sonderbarer acha-
tung gewesen/ vñ noch/ die Exemplaria aber vorigen Drucks/ gänzlich auss-
gangen vnd verkauft/ außerhalb daß in vnderscheidlichen sprachen nach-
getruckt/ vnd nachgeschnitten/ Ich aber sein selbst eigene gemachte vnd ge-
schnittene Auctotypa vnd Figuren/ zu handen bracht. Als hab ich/ sonder-
lich für der Künsten liebhaber/ nützlich vnd dienstlich gedaucht/ solch werck
wider auffzulegen/ vnd auffs neu zu trucken. Der zuuersicht/ es werde dens-
selben damit zum besten vnd woffahrt gedienet sein. Mit fleissiger bitt/ die-
se meine mühe vnd arbeit/ als trewlich vnd woll gemeint/ im besten zu ver-
stehen vnd auffzunemen. Da ich dann werd spüren/ das dieselbe dir güns-
ger Leser/ gefellig/ wirdt mir anleitung vnd vrsach gegeben/ mit der hülff
Gottes/ dergleichen nutzbarlicher ding mehr ans liecht zu bringen. Uns
hiemit Göttlicher Allmacht empfehlendt.

Jan Jansen/
Bürger vnd Buchdrucker
zu Arnheim.